

बता मेरे यार सुदामा रे,
भाई घणे दीना में आया ॥

बालक था रे जब आया करता,
रोज खेल के जाया करता,
हुई के तकरार सुदामा रे,
भाई घणे दीना में आया,
बता मेरे यार सुदामा रें,
भाई घणे दीना में आया ॥

म्हणे सुणा दे कुटुंब कहाणी,
क्यों कर पड़ गई ठोकर खाणी,
रे म्हणे सुणा कुटुंब कहाणी,
क्यों कर पड़ गई ठोकर खाणी,
टोटे की मार सुदामा रे,
भाई घणे दीना में आया,
बता मेरे यार सूदामा रे,
भाई घणे दीना में आया ॥

सब बच्चो का हाल सुणा दे,
मिश्राणी की बात बता दे,
सब बच्चो का हाल सुणा दे,
मिश्राणी की बात बता दे,
रे क्यों गया हार सुदामा रे,

भाई घणे दीना में आया,
बता मेरे यार सूदामा रे,
भाई घणे दीना में आया ।।

चहिये था रे तने पहलेम आणा,
इतना दुःख नही पड़ता उठाणा,
चहिये था रे तने पहलेम आणा,
इतना दुःख नही पड़ता ठाणा,
क्यों भुला प्यार सुदामा रे,
भाई घणे दीना में आया,
बता मेरे यार सूदामा रे,
भाई घणे दीना में आया ।।

इब भी आ गया ठीक बखत पे,
आजा बेट जा मेरे तखत पे,
ओ जिगरी यार सुदामा रे,
भाई घणे दीना में आया,
बता मेरे यार सुदामा रे,
भाई घणे दीना में आया ।।

आजा भगत छाती के ल्यालु,
इब बता तने कड़े बिठालु,
करूँ साहूकार सुदामा रे,
भाई घणे दीना में आया,
बता मेरे यार सुदामा रे,
भाई घणे दीना में आया ।।

Singer : Vidhi

Chorus : Muskan, Isha, Rinku, Manisha,
Music : Somesh Jangda

इसी तरह के हजारों भजनों को,
सीधे अपने मोबाइल में देखने के लिए,
भजन डायरी एप्प डाउनलोड करे।

भजन डायरी एप्प

Source: <https://www.bharattemples.com/bata-mere-yar-sudama-re/>



Bharat Temples

Complete Bhajans Collections - Download Free Android App
<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>